

求聞過齋詩集

序

國朝兩舉博學宏詞科人才之盛極天下之選莫不高文典冊  
鼓吹休明康熙戊午初次詞科擢吾邑彭美門少宰爲第一人  
沈博絕麗之才當時推爲獨絕遭逢曠典士林豔稱之越道光  
甲申大考翰詹擢吾舅祖閣學公朱虹舫先生爲第一

廷試之卷

宣宗硃筆圈詩四聯溯自美門少宰以來後先輝映又冠詞曹  
蓋際我

朝文運昌明卽一鄉一邑間往往閱數十百年而一洩其精華  
之氣誠儒生之榮遇也已逮丙戌

殿試公從子給諫公朵山先生得一甲一名竹林濟美里黨尤  
侈爲美談公紫陽後裔生長詩禮之家玉堂清秘以文字結主

知而又性情真摯雍容溫雅立朝風度儕輩傾心昔王僧達答  
顏延之詩云珪璋旣文府精理亦道心可以無愧矣咸豐中余  
供職京師每遇鄉先達及見公者皆謂公奉

命衡文輶車所到凡山川名勝風土人情莫不紀之以詩其他  
投贈之作館閣諸老猶能道之今讀其詩內而鳳閣鸞臺外而  
雨帆雲展其當日之寄託歌詠抒寫襟懷恍於心目間遇之惜  
公歸道山已六十餘年風流閎寂言之慨然同治甲戌冬余銜  
恤里居邑侯王公叔雅屬輯縣志余以搜採遺事過上水邨訪  
公故里見玉水方流璇源圓折古謂地靈人傑洵非虛語公所  
居光裕堂及映雪清娛書室悉遭粵匪兵燹僅存賜研齋德馨  
堂數楹蔓草荒煙頽垣欲墮徘徊慨慕者久之蓋其時公子定  
甫母舅方需次吳門尙無力修葺也今公從孫少虞觀察刊公

之詩文集郵寄都中屬爲序文余生也晚弗獲親炙公之言論  
丰采而習聞故老之傳述迄今披覽遺集猶慨然想見其爲人  
爰述平時景仰之意不敢以不文辭至公之學問行誼詳載於  
國史縣志家乘不復贅言是爲序

光緒十有九年歲次癸巳春日外姪孫徐用儀拜譔

求聞過齋詩集總目

卷一

古今體詩一百五首

卷二

古今體詩一百五十三首

卷三

古今體詩一百二首

卷四

古今體詩七十首

卷五

古今體詩八十三首

卷六

古今體詩五十六首

求聞過齋詩集卷一

海鹽 朱方增 虹舫

結客少年行

烏蟾迭圓缺陵谷移卑崇達人貴自立升沈無定容長安少年  
子吐氣如白虹胸吞雲夢澤筆參造化功細響斥瓦缶大聲鳴  
鐘鏘驚棲必脩竹鳳翔須高桐蛾眉工買笑豈肯安長窮薄俗  
銅近習淺識無深衷但見金銀臺不知蓬萊宮獻策迂賈傅棄  
繡狎終童霜寒蔽蓼黑夜迴孤檠紅仰天發長歎劍氣慘不雄

七夕詞

人生不離別不知相憶苦離恨流關山方惜歡期阻迢迢牛女  
星一載隔秋渚月落水橫橋露冷機投杼幽意驟相親渺若天  
涯聚一夕一秋心無數悲歡緒短聚長別離恩恩不成語回惜

曙星明相思各天宇神仙尙如斯何況人世侶落葉飛秋庭寒  
衣急砧杵敲枕方高眠夢魂渺何處

鳳臺曲

一奏秦臺曲  
橋上翠微秋風人不見猶有鳳凰飛

漢武射蛟詞

腥風怒捲江湖赤雨血飛空落千尺敗鱗殘甲滿潯陽天吳夜  
舞魚龍泣

冶春曲

珠簾侵曉吹紅玉黃鸝並語闌干曲東風瘦盡倚樓人門外垂  
楊爲誰綠

楊柳折枝詞

西風氈帳雪毵毵十八哀笳聽不堪古戍荒寒春信遠楊花二



月夢江南

曼倩詞

執戟金門二十年  
歲星曾說大羅天  
如何只計侏儒粟  
不諫公孫海上船

俠客行

十年磨劍霜華老  
龍額功名戰場好  
蒼頭軍唱白銅鞮  
彎弧夜出橫門道

隋宮詞

東風一樹冷瓊花  
夕殿香消泣歲華  
眼見晉陽烽火急  
錦帆猶渡玉鉤斜

雨淋鈴曲

南內新聲教野狐  
上皇幽恨感嗁烏  
傷心聽雨巴山後  
可憶樓

東一斛珠

長楊羽獵詞

羽林十五擁紅旌四野秋風筆策鳴不是君王好游獵邊才先校百蠻兵

戚姬怨

璚殿秋風冷碧苔舞衣零落楚歌哀君王自約關中法九死曾無療妒才

明妃曲

邊沙莽莽起黃雲馬上琵琶忍再聞祇有千秋青冢在更無人問李陵墳

鳳笙曲

小謫黃塵萼綠華瑤笙吹落鴨桃花碧城仙夢渾難醒空老銀

河白項鴉

石頭城歌

六代江山換劫灰  
白門寂寞暮潮回  
可憐多少長干柳  
猶恨東風燕子來

題畫

鏡湖吹綠上星衣  
春夢何憑款玉扉  
花雨一簾人不見  
碧闌干外鷓鴣飛

郭道人修真處訪菊用陸小巖賞菊韻二首

茅檐風景憶神仙  
紅葉紛披綠樹連  
三徑好花饒隱趣  
一聲嘯鳥破孤禪  
清香祇合幽人賞  
瘦影難邀俗士憐  
彷彿柴桑尋勝境  
茶煙半榻倍翛然

半畝清閒舊菊坡  
撩人花氣索吟哦  
西風籬落秋容澹  
細雨園

林冷豔多初地芳菲憑點綴小春時節尚溫和茅庵遲日重經處試問霜枝賸幾何

登泰山

地拔五千丈山盤十八重碑殘秦帝字檢泐漢皇封河海尊三大兒孫擁萬峰幾番經劫火何處問遺松

秦良玉屯兵處二首

卽今四川營

一拜平臺詔當年石砭兵擒渠仙寺嶺破虜竹茵坪殺氣秋逾肅雄心夜獨盟祇今刁斗靜猶想舊蕃營

太息思陵日中原動戰爭將軍誰殺賊故壘獨屯兵國破全家沒時危一柱撐卽看青史上徧載貳臣名

楊忠愍公故宅四首

靖難稱師後淩夷二百春中興無令主內賊有權臣宗社悲危

卯河山感積薪不思俺答禍英廟舊蒙塵  
艱難謀國日涕淚上書宸浩氣凌河嶽危詞泣鬼神奇冤三載  
構大義五姦陳忠烈他時疏同看紀史臣  
狄道諸番俗猶傳舊俗更如何天子聖不鑒小臣誠太息臨刑  
語倉皇伏闕情劇思漢文帝請代許緹縈  
延綏流寇起兵燹滿中原列后諸陵廢孤臣半壁存荒庭猶草  
色斷檻自苔痕今日瞻祠宇靈旗黯不翻

習射

扶桑弓挂天威讐四海烽煙銷雉堞鐵甲初同隴右兵金鑊早  
奏淮西捷武臣脫劍敘邊功文士彎弧氣轉雄射虎敢矜飛將  
勇落雕還慕健兒風秋原草綠朔雲列狸步分明量一一相圍  
何人手解揚華林有客腰鞬出分曹角勝度從容猛力休誇札

七重貫到蠡心能自擅引來援臂藝誰工盤空作勢千鈞舉石  
如附枝左如拒輪開滿月控烏號光閃奔星飛赤羽赤羽飛來  
萬人喝疊鼓瑟瑟鳴不歇畫鵠中穿一綫通懸熊深入三鏹沒  
數枝絡繹隨風遞後塵學步矜持細鏹影旋驚飲別竿鏹聲枉  
自鳴空際臺釐千里竟懸絕狼牙旁落麋筋裂巧拙真從此日  
分合離還向平時決平時脫筈鋒鋦利非將歲月俱遊戲澤宮  
自古育奇才盛世何嘗忘武備君不見宋家天子臨軒試羣臣  
挾矢彤廷侍妙技曾將玉帶旌殊恩更拜宮花賜

耕藉禮成恭紀二首

典重元辰

辛藉初

皇心眷所切農書

績厓禹域安瀾後壤擊甕民播種餘已見登絲親  
鳳輦更因

咨稽動

鑾輿占豐預紀靈臺史不藉周詩卜夢魚

駕展蒼龍龕曙曦農壇

齋肅祀靈祇百年久樂由庚世七載重諏吉亥期紅杏雨晴瞻  
黛耜綠楊風暖曳青旗功開一垓栽培厚

惠澤醲敷萬彙滋

外舅孫貽雲先生以春草詩寄示卽和原韻二首

長水空懷舊里塘兩年江國阻尋芳春風南浦牽鶯恨雨夜西  
堂夢雁行嶺海煙濃浮瘴滿湖山日暖踏青忙回思鸚鵡洲邊  
景遠道緜緜惱客腸

燕郊春霽馬蹏迢十里香痕宿霧消  
還水潑藍浮渡口亂峰送綠上山腰  
萋迷到處繁官道榮落何人問野橋  
生長瀛洲饒雨露秋風那復怨飄蕭

盤香二十韻

迷迭珍西域兜婁貢北蠻濃芬煎百味巧樣琢連環  
細細搏沈水重重擁博山雙輪旋蟻磨一髮引螺鬟  
宛轉蛛纏網玲瓏獸齧銀煙浮蝌蚪篆屑膩鷓鴣斑  
香閣三層外鑪峰九疊間火虬蟠曲折灰蚓撥紅殷  
勢繞羊腸曲形分鵲尾彎相思應蕪草異味勝焚蘭  
幾縷縈賓館千盤購市闌然依仙案近懸傍佛鐙  
閒醺醺籠噴麝團團鏡舞鵬流光孤月抱垂象五星  
圓恍逐圓儀運誰攜滿袖還盈筭圓玉髓拂座炷金  
顏輾側閨情結纏絲客緒關迴文紆寶鼎出字做華  
鬢式愛楊妃肖名看葉譜刪年年



青瑣院書幌自薰班

陶雲怡比部移居兵馬司街詩以贈之

絲竹長竿放畫船瓊瑤麗句世爭傳人如李洞吟千首師有袁

安紀一編

雲怡爲袁太史高弟

天上郎官今列宿山中宰相昔神仙未曾

藉卉燕臺地心折平原已十年

長安花發馬蹏驕回首江南路正遙珂佩曉鳴青瑣月關河夜

夢白門潮九衢塵轍淹三載一代詩才殿六朝記得宣南坊外

住春風樽酒慣相招

滿院椿陰護綠扉比鄰鵝鴨一年依陳蕃就辟紆華綬

謂王竹嶼別駕

曲銳應官拜繡衣

謂楊雪帆觀察

舊壘已看鴻遠去新巢又見鶴高飛

迎門童子應相識昔日連牆似我稀

園林別構足盤桓丁字簾垂亞字闌紅霧豔迷花幾樹綠雲濃

繞竹千竿鳥嘯細雨留賓榻鈴語斜陽送客鞍何日重開金谷  
會擘箋相與試麋丸

題翁宜泉師古甄冊

薛蝕苔封已百年良工遺製半荒煙自從拂拭春風座潘謁曹  
碑姓其傳

投壺十六韻

戴氏篇存記張公器載圖疊雙藥玉矢尺二鑄金壺削竹傳新  
樣懸匏肖舊模驍名尊豹尾樂節重騶虞雅戲邀賓角閒情佐  
客娛聚精同射戟作勢類彎弧電掣銀標疾星飛鐵鏃殊合離  
爭杪忽巧拙辨須臾想像兵三捷裁量地九扶如鍼憑石引像  
水望江趨絡繹青莖積聯翩赤羽俱旁觀驚鼓掌當局笑撚鬚  
進退俄分序奇鈞忽異途羸籌純記一罰蓋注拌孤周瓊才原

少裴寬技絕無太平銷武事游藝效吾儒

花飛曲

東風滿地吹銀雲紅鵲穀穀嚙向人飛瓊下視笑塵海碧桃天上三千春仙杏纔紅桃自碧湘簾翠壓欄杆亦是處青招賣酒旗幾人蠟燭看花屐花落花開總惘然看花心事憶年年鈿車轉轂同流水銀炬彈灰過禁煙禁煙節過韶光促畫眉空抱花枝宿陌上歡貽玳瑁鞭筵前怨起箜篌曲

從軍曲

羽騎秋馳馬弩關單于獵火照陰山六軍休灑胡笳淚蘇武新持使節還

題座師蔣霽園先生觀我圖遺照一百韻

并序

增於辛酉歲受知師門知吾師由名諸生登翰苑轉侍

御擢卿貳四十餘年公暇卽博覽經史兼繹內典著述  
甚富不輕以示人增曾見手評少陵義山兩集楞嚴金  
剛二經又有守經堂時文選自隆萬迄國朝凡千有  
餘篇師天懷肫摯教人諄諄不倦增常隨侍左右日以  
講求實學屏絕浮華爲訓癸亥春師兆應騎箕感泣何  
極而爰亭前輩又招與同居情誼周至式瞻遺貌述德  
抒懷因題百韻

名臣河洛起重望斗山尊一代訏謨建千秋畫像存家聲隆許  
史世澤軼陰樊瑞氣同鸞見祥輝並鳳蹲華簪三葉嬪健翮九  
霄翥藻采鬢宮冠襟懷夢渚吞通儒推杜預師表仰徐爰攀驥  
情趨蹕師嘗掌教河南長葛書院時學者聞風踵至騰蛟勢蜿蜒詵丹桂斫堦立  
墨花噴史筆高詞苑封章卓諫垣廉隅凌矯矯峻骨峙嶮嶮立

法能除弊陳書不避怨滯途齊振拔捷徑少排根超競階梯絕  
師官侍御時稽查舊太倉等力除積弊并奏請每科新進偵巡  
上添川內閣中書又奏禁督撫指名揀發人員俱羽衛屯講張懲巨猾婉婉雪奇冤積案甚多烏府褒朱博黃  
門擢李藩梗柙收豫賴杞梓集湘沅國器儲圭璧瓌姿萃琬琰  
鎖閣頻校謝京兆又遷袁惠政流  
畿輔廉名達

陞聞愛才尤汲汲浮議任幡幡鵲遂摩空舉鯨看跋浪掀電裳

聽疊奏陳笠駟前輩末第時通其尊人聖吏議或阻其應試師  
實其才弗為浮議惑遂補博士弟子員後成進十其弟

亦出師門輩帶錫連番朱瑟容臺樂黃彝尙食樽雲司持鄭重

雪窖驗平反電燭懸明鏡風簫譜大管慈祥唐寶誕正直晉劉

瞰師任大天降神山驚人誇大海鷗四禪通妙妙九列士庖庖

法馭供鑾輅閑駒參大宛康端俱紫綬環類並朱蟠爰序前輩  
由翰苑歷

問卿與師同籍起家鳴盛

崇階時論榮之龍飛國紀元

覃恩宣

玉旨頒爵逮金昆花種河陽墅桑栽襄縣村

嘉慶元年介亭世兄以恩蔭授知

廣西北

流縣事象賢重有譽集祐更無垠服總秦廷豸班崇漢殿鴻皇

華膺

簡命星使出贈軒

北闕辭仙仗東溟耀彩帟郊關人秉節驛路馬垂韉魯地文章

藪尼山道德源六旬時雨化十郡士風惇禮攝春卿重工權水

部繁

九重資作礪二月

詔還轅已未冬師以副都御史視學山左旋授少宗伯轉少司

今山左士旌旆旗亭逐笙歌祖道喧茅檐勞惠問

舖座進昌言園法誡王錫帷謨運郭馨偏災雲起蜃近輔水浮

龜噉澤多鴻雁懸庭少特貊

宵衣塵撫恤夙駕懷嗔咄已溺真憂勞民拯等救燔野廬頒救

栗

寢殿庀松栢原隰頻馳蹇泥塗宛跨健臣忠盟益恪

帝語獎逾溫辛酉夏京師被溺承陵工紀績鐘銘景流膏并潤胥

賻歸平子親謂謀歸闕同年緣合樂昌婚師在籍時有同邑某聘妻未婚值歲歉欲

鬻爲人妾女聞痛不欲生師與其資留侍太夫人後某又欲鬻於富商師念某母老無孫以理諭之歸其女不取其值某亦悔

蕭相師酬鐸謂厚聘介野元公姪撫耑本根培葛藟同氣篤

簍塤足挽狂瀾倒能回寒谷暄仁聲同戚里清俸儉盤飧美饌

輕紅膾嘉蔬愛綠茁濯冠風效晏炙輒說嗤髡守白常安默研

朱偶破煩吟篇搜藻府祕典繹泥洹密諦三乘闡奇文萬卷緇  
琳琅登一帙錦繡聚千純寶笈堪貽燕金鍼信度鴛棗梨傳愈  
永桃李植彌蕃仙榜辛年啟人才甲觀掄持衡珊網海握鑑玉  
搜崑自愧藏如蠖何期化儼鯤賤蒙收瓦礫美獲埒瑤琨竊附  
翹材館欣居通德門蟬聯容其進鶴立敢同論少憫書生賈貧  
憐弟子原牙籤遺夾漈嘗出所藏書珍膳向王孫講席親楊震  
詩籌課許渾瀛洲期騁步越水止歸輪王戌夏增欲乞假南歸師肫留之不令去  
草叨噓植康衢藉引援高深伴岳瀆覆載比乾坤兩度涼暄易  
雙輪日月奔蛇驚占鄭識龜枉卜荆焯柱石

形墀折星辰碧落昏滿朝悲動色載路痛招魂誼況深盧植心  
尤戀孔璠恨逾秦隴鳥哀勝洞庭猿厚澤終生戴交情再世敦  
環街猶抱憾廈庇復邀恩階弁依然吐欄花似舊翻山庭容莫



接几杖手空捫寂寞傷壇杏馨香薦澗繁典型欽嶽嶽渠誨溯  
淳淳延算無甘谷蠲愁乏合楮碑看題陸偉圖憶寫張萱林麓  
橫峰影陂塘蹙浪痕竹松圍掩映荷芰繞紛緼靜坐消閒晷澄  
觀證道根朗懷真浩浩天趣自沄沄景物思經帳音塵感總旂  
瞻依神慘愴展拜涕潸潸不盡西州慟拈毫誌弗諼

和陸桂舟移居原韻

頻年獨處似僧龕茗椀香鑪趣自諳薄宦味同韋叔夏妙書神  
似褚河南人緣落拓情俱暢境到安閒夢亦甘聞說板輿來  
北闕好供蘭膳學蘇耽

從此浮蹤異旅鴻一家歡聚鳳城中黛痕京兆描新月詩格平  
原溯舊風故里音書曾渺渺畫堂笑語自融融遙知越水樺枝  
健兩字平安兩地同

時尊甫留廣  
文任未赴都

槐廳雜詠六首

登瀛門

聖祖龍飛玉署開  
蔥龍佳氣繞蓬萊  
兩朝仙仗排雲入  
一代文人接踵來

清祕堂

嘉名肇錫記

高皇

宸翰親揮倬漢章  
一自春風排玉案  
滿堂時馥

御鑪香

敬一亭

雕甍畫檻鎖呆思  
中有麝颺百首詩  
記取十行寬大  
詔殘碑留得舊箴詞

劉井

萬斛新泉汲曉風  
輾轆遶轉玉堂東  
瀛洲真有神仙井  
休向江南問葛翁

柯亭

先皇御筆留新詠  
學士高風繼舊蹤  
三百餘年貽澤遠  
兩行古柏綠陰濃

鳳池

螭吻噴流一鑑開  
中央仙閣湧亭臺

玉宸昨歲頒

新詔添起

恩波萬斛來

雨聲

溼雲如墨黯長空  
颯颯隨風撲畫櫳  
一夜小樓人夢後  
萬家春樹鳥啼中  
停琴山寺看飛瀑  
載酒江亭聽打篷  
恰喜西南兵乍洗  
鳴鐃聲裏捷旗紅

甲子春

聖駕幸翰林院

方增

仰預

恩賚恭紀

法駕臨晨出槐廳  
紀巨觀蓬萊

仙仗入

朵殿

御煙攢

日角欣同仰

天顏許近看  
整衣環七校  
屏氣肅千官  
霞履霓裳集  
瓊樓玉宇  
寒臣衷方勵素

宸翰早垂丹  
紉縵星雲麗  
便蕃

雨露傳韻纔廣院體

恩旋荷堂餐典邁魚頭宴芳盛馬腦盤山淵裨益切日月繪容

難賦集三唐盛

增集文苑英華集與藝進

吟慚一字安淋漓愧椽筆優渥逮

輕翰笥啟文繪燦詩

頒杜律完硯涵新鵠眼茶碾小龍團

太液波真闊柯亭墨未乾誌應卑李肇圖欲寫胡寬滿置雙絲

絡齊擎七寶鞍歸陳珍粲粲拜振佩珊珊

醴賞詞曹徧

殊榮舉室歡寸心何報稱敢以論思殫

甲子夏聞江浙被水成災感賦三首

淫雨逾三月滄流困一鄉關山愁隔絕魂夢起徬徨地勢通江

瀕人家逼海疆梓桑還繫念況乃有高堂

徧野無禾黍傳聞但草萊荒村饑鳥下蕭寺餓人來  
鼃竈晨炊  
寂處樓暮角哀誰爲漢虞詡議策澹沈災

魚鼃原田起蛟龍窟宅移嚴城危古堞頽屋廢荒基越水餘生  
瘁吳趨舊俗疲側聞矜恤

詔

聖主念瘡痍

汪小竹

全德

以紀夢詩索和卽次其韻

撩人春色上邗江小閣臨流拓瑣窗明月二分橋廿四玉簫吹  
處總無雙

憶到華胥撒手行石邊香夢證三生蕊珠宮內神仙籙記得青  
琴是小名

迴廊月上款瓊扉正是香篝玉篆扉焚尾時光天乍煖晚妝曾

換五銖衣

彷彿瑤笙奏碧城小窗銀甲夜彈箏大羅天上題詩後親聽霓

裳第一聲

小竹新  
預館選

初夏招吾南園孫雲浦小集賜硯齋偶成

軼轡車塵五載中鶯聲曉老落花風  
人蹤迹憐王粲壯士功名愧寶融  
異地親朋聊縱酒天涯兄弟惜飄蓬  
時家小珊兄  
下弟南歸  
不堪更唱陽關曲歸夢頻牽越水東

乙丑夏復聞浙江杭嘉湖三郡雨災詩以誌感三首

往歲傷淫滂蒼黎氣未蘇  
襁負今復見衰敝更誰扶  
碩鼠虛村落哀鴻滿道途  
催科休更急有

詔已蠲租

故土三千里偏災十五城  
江淮趨白浪溝壑轉蒼生  
館冷紅蠶

陷塋荒赤雁杭海濱原瘠地況復廢春耕

十萬

中朝帑災黎被澤深救荒原吏治流禍豈天心身世嗟匏繫生  
涯感陸沈平原重作賦不獨爲愁霖

馬鬼驛

拂廬妖氣燭星芒早識豬龍擾朔方誤盡國家張采訪叅成烽  
火李平章陳陶戰血滄流赤蜀棧曉痕宿草黃邊釁果緣妃子  
啟南朝宗社爲誰亡

新秋病起

槐廳事少儘閒居又擲駒光半載餘紅菱池塘新霽後碧梧庭  
院早涼初平生宗尙千秋在故里音書一月疏令節關心勞夢  
寐高堂繫念更何如



雜憶

江山如舊別愁新  
話雨西窗事已陳  
宿草荒原長臥客  
落花遶浦未歸人  
惺忪旅夢雲千里  
撩亂心旌酒百巡  
驄馬天涯何日到  
滿隄楊柳又殘春

渭城一曲最關情  
滿院梨花夢未成  
舊日樓臺飛燕影  
祇今風雨杜鵑聲  
白門自送春潮急  
碧檻誰憐夜月明  
惆悵青鸞消息斷  
銀河無復聽吹笙

恭進 東巡頌冊蒙文綺荷囊之 賚恭紀

曉日臙朧啟

紫宸

螭坳珥筆紀

東巡明堂賦敢追前哲湛露詩偏逮小臣  
雲織七襄機錦粲月

街半玦佩囊新妻孥亦感  
恩如海尺莠聲中笑語頻

送雲浦還平湖

少小結髮弟兩意無差池君來事文戰盡室爲解頤困鱗輒點  
額倦鳥因思歸明知別離苦又恐淹留非高堂已垂白定省難  
久違行行捨君去旣捨還復悲餞君城南曲揮涕如綆縻今夜  
一樽酒明日誰同持孟冬木葉脫行旅慘不怡頽景易西匿朔  
雁方南馳瞻望不復見雲樹空迷離

移居西甌胡同

草木黃落霜滿庭鯉魚風急鳴檐鈴呼奴曉起理燕器新居已  
卜西南坳礫礫車轉兩輪簸長脰短筇堆奇零亦有束笥皮巨  
篋文淵閣本開成經郊島寒瘦到家具路人指點顏爲赧蘆簾

紙閣幸修潔迴飆不使穿疏櫺晴窗無事弄柔翰卷簾坐對西山青  
沉復法源寺最近蕭穆古木環禪局明春倘值雨新霽著屐探徧花  
冥冥十萬買鄰計更得東西屋佳到與丁偶然退食足談醺莊諧雜  
起能忘形客因考室索我飲長鬚奴子攜瓦瓶堆盤蔬果頗不惡花  
豬肉膩魚嫌腥僊僊屢舞樂未罄無奈燭敗催客行恩促送客出門  
去仰頭瞥見昏中星

### 史館夜直

迎秋雨過正新涼鈴索聲清徹玉堂鴻祕踵成周六典麟編愧  
乏史三長瑤樞耿耿天無極銀燭幢幢夜未央隻絕蓬山輪小  
宋更無紅袖爲添香

### 擬琵琶行卽用原韻和程礪漁表弟作

天風吹送騎鯨客小住蕪城聽瑤瑟春鄰漲綠盪畫船水閣珠

簾鳴管絃鷓鴣雌粥粥雄龍別不照吳剛天上月仙源路轉暗香  
來忽遇瓊花一枝發花枝連理種從誰卷幔停橈低問遲星衣  
翦綵參差見珠闕瓊房侍仙宴小釦初苞豈惹胎低鬟乍識芙蓉  
面圓黃細轉嫩鶯聲掩抑珠喉淺露情背鐙促坐旋縈思自  
道煙花非素志家本西湖異姓王談來麋鹿姑蘇事機中錦字  
早工挑阿母無端教綠幺桃花飄泊曉紅雨萬斛愁情向誰語  
秋蟀春鷓鴣指一彈三五明月懸晶盤新移鶴澗瓜皮艇來傍雷  
塘紅蓼灘憑欄一聽心悽絕腸轉車輪久未歇自從蝶夢醒莊  
生十年未聽箏瑟聲燕山月上銀槽響汶水風來鐵撥鳴多少  
無鹽工刻劃五陵年少揮金帛蠅玷終留素璧緇蠶經誰紡冰  
綃白天花散落輭紅中火井蓮開綽約容前身瑤島青琴女十  
二層城留不住墮劫愁埋羅刹城轉輪還仗天龍部停橈密語

兩纏絲回頭不覺春雌妒崔護重來是後生張鴛誤入臂前數  
蝦蟆漏轉金烏飛曉妝猶恐臙脂汙水晶簾卷看梳頭蟬鬢蓬  
鬆妙風度天涯絡繹訪花人朝秦暮楚無新故誰遣他生卜此  
生能教大婦憐中婦手持越網結千絲絆住青鸞恐飛去斷腸  
流水木蘭船杜宇催歸曉夢寒斜月縈愁金了鳥煖風吹恨玉  
闌干相思久共鑪灰息春蠶忽化秋蛩唧慙驢難忘伯樂知劍  
龍藉有張華識重開仙醞譙瑤京宛轉鸞笙奏碧城四大竟非  
歡喜地千回盡是別離聲淒涼塞北黃雲散惆悵江南紅豆生  
長眉蹙額難成笑不作嬌鶯恰恰鳴但言井水波瀾少心膽平  
生未一傾荀令衣香情自結班姬團扇曲誰聽君身便是青銅  
鏡照妾無瑕白玉明今宵勸盡一樽酒明日送君萬里行關河  
萬里愁雲立脫箬長流鶻聲急山館雲荒蛺蝶飛江城夜靜魚

龍泣蒼茫煙水不見人一片征颿浪花溼

法源寺看花作

杏花雨過天初晴馬蹏催我西郊行法源寺古最幽夔六時清  
課門常局幾日淑氣逗花信微暖吹出飭簫聲鈿車寶馬絡繹  
至冶游爭借看花名禪扉敞啟曲徑盡春風一笑嫣然迎花香  
時亦見蛺蝶接葉惜未聞流鶯回頭忽動故鄉思江村三月方  
清明舍南舍北發春水雨絲漾空煙迷汀瓜皮艇子客三四一  
枝鶻曳菰蔣鳴菜花黃徧李花白緋桃倚竹羅畫屏亟呼此中  
飲亦得淨地布席如掌平矮足几列步障繞我僂委坐遵禮經  
家製臘肉見蘇詩勝琥珀清若美酒傾瓦瓶貓頭筍脆野蒿嫩更  
有蔬果堆零星雨顙鱸魚乍釣得莖以芝栢堪作鱗或爲鯨吸  
或魚噉但許皆醉無獨醒微酣正好晚炊熟流匙白雪抄香秬

輭紅不到衆綠淨歸舟恰趁新月生此境契闊倏八載縉塵泥  
我留燕京今朝游興差快意欲攜明月來吹笙

清明日有感時寓居揚州休園二首

一載天涯類轉蓬爪鴻蹤迹太怱怱扁舟湖海春潮綠蠟屐亭  
臺夕照紅懸榻尙逢陳仲舉傳經終愧馬扶風傷心猶灑麻衣  
淚那忍紆青玉殿中

八年麥飯未親澆客裏清明又此宵難得舊交逢白傅

謂姚秋農自小

山雨前輩自憐壯志減班超春風漫坐三千士夜月誰憐廿四橋飄  
泊長途慚負米一鐙旅館夢魂遙

自邗江旋里留別阿厚庵巖使張硯泉太守姚秋農白小  
山兩前輩及同里諸子四首

春江水煖駐行旌新綠橫窗鳥自鳴長遣有花消白日轉愁無

澤到蒼生一帆自作歸雲計三月難忘舊雨情藉草旗亭勞餞  
別澆愁不覺酒頻傾

蕪城吹起角聲寒游子天涯顧影單結客好嫌分手易受恩深  
恐報時難一杯風雨情猶慟千里關河夢未安僕指郵程何久  
滯重勞慈母倚閭看

未許勞薪息海濱疲驢偃蹇踏風塵異鄉簫管難爲樂舊日親  
明半是貧多謝平原能愛客只愁王粲尙依人江南極目哀鴻  
滿還望安全仗重臣

時放賑  
初竣

飛來閒夢白鷗邊憔悴征衣又一年謝傅東山長戀闕張衡南  
郭暫歸田門前彈鋏原非策海上聞琴或有緣多少淮陰漂母  
感壯心翻愧受人憐

神龍曲



神龍銜銜天半舞，領下珠光忽吞吐。飛瓊水瑟夜罷彈，曉夢探  
驪來合浦。雲容離合紅袖翔，仙掌一擎明夜光。陸離五色懸金  
璫，霞旌搖曳遶瓊房。元霜玉杵丹初熟，擣碎紅螺香。萬斛珊瑚  
結絡金絲盤，飛上霓裳添馥郁。嬰靈曲罷星斗斜，瑤宮琥珀斟  
流霞。玉樹交柯結連理，薤菜宛轉迴雲車。

程母江貞婦歌

愁雲黯澹鐙無光，休留夜曉語竄梁。鈴旗捲影鸞鶴翔，修文一  
去層壚黃篋南。有女紅樓住噩夢，秋窗倏驚寤。雲旗白馬恍惚  
來，鳳凰臺折飛塵埃。琉璃一片紅淚溢，翻身忽共雙鷗沒。魚龍  
夜泣水仙驚，羅幃淩波重擁出。樽桑日曉慘不紅，麻衣慘雪迎  
門入。新稿夢結故鬼悲，靈風颯爽吹重帷。堂前憶子白髮哭，山  
上望夫翠袖嘯。天荒地老愁不已，黃鵠秋風歌又起。仲雅騎箕

季子殂孤鸞星滿寥空裏夜深促坐鳴哀絃金釵拔盡炊無煙  
呼佛無靈天不憐十指凍裂寒機前頽陰急景霜盈顛苦槩茹  
老青春年蟪蛄結網懸空幃仙風引路瑤池歸生前青鳥不雙  
宿化作鴛鴦墓上飛

兩船行

長風東吹雲勢逆激流西下箭飛疾煙檣如馬走不停西舫東  
船忽相接羊腸路轉雙峽峙一綫飛濤各奔入天崩地裂霹靂  
鳴耶許一聲兩舫合勢如太華連雙峰力盡巨靈不能擘盤空  
巨絙忽倒懸萬夫洶湧環隄立摧枯拉朽若搏兔怒獅一吼長  
繩裂絡繹估帆銜尾來銀漢紅牆兩隔絕喧呶呼噪不斷聲誰  
有黃龍負舟力須臾一柱砥中流撐入狂瀾齊挽出風馳電掣  
萬艘行夕陽西墜東生月同看岸側舊時船舵折桅橫篷碎缺

徘徊煙水不能行  
翻笑先時何太急  
人生狹路或相逢  
胡弗暫爲退飛鷁

游硤石西山寺

野店危橋外  
斜陽一徑平  
山空僧入定  
鈴語佛無聲  
遠岸歸樵擔扁舟  
駐客旌  
故人何處訪  
相對有餘情

登譚仙嶺

神仙不可見  
嶺上獨逡巡  
古屋藤懸壁  
深山鳥避人  
埋雲丹竈冷  
無主野花香  
下視鷲闍地  
黃飛五斗塵

半山道中

舟過半山道  
山入杳冥波  
光搖日紫石  
氣抱雲青  
漁子藏深漢  
篙師畫碎萍  
幾家茅屋外  
鴉點晚零星

茶厓以讀畫齋叢書見贈卽和茶厓百疊東坡韻誌謝並

以留別

鄉媛福地繼幽熟滿目球琳窺簡竹異書似借漢荊州別序翻  
成李盤谷天涯驄馬識君遲海上烏嶠催我速黃塵五斗拂征  
衣山山種徧相思木

和吳松雨留別原韻

亂蟬嘒破晚晴天歷歷煙檣指去船幾日暫停長水屐八年曾  
拂薊門鞭空令羈迹塵中滯未有奇文海外傳爲語多情吳季  
重他時攜手五雲邊

題晉永和甌硯四首

上有永和九年秋八月  
七字陳南叔得於海上

鄧州城郭蕩寒煙重話滄桑大海邊儀鳳樓荒靈圃廢銷沈猶  
有永和甌

烏嶠海國有孤村夢馬河山迹尙存夜夜燭天光怪露寒潮湧

起礪頭門

魏時銅雀宋澄泥斷壁殘甒認舊題奇想忽同溫驃騎風腥海  
市手然犀

璘彬古色蘇花青七字流傳硯尾銘記取山陰觴詠日半窗修  
竹寫蘭亭

春樹兄

伍

以避暑十景詩寄示和答

流泉碧漲

暮雨初晴水鏡開芳塘閒步意徘徊一簫新漲連江綠遙望扁  
舟破浪來

西嶺晨霞

閒倚高樓縱目頻西山漸見曉霞新斜拖麗錦紅千尺飛近蓬  
萊映玉人

北窗秀竹

颯颯清颯送晚香千竿秀竹動微涼北窗小坐煩襟滌一徑蕭  
騷引興長

漁歌晚渡

一葉漁舟向晚行幾家燈火月初明清宵無事憑雕檻遙聽淩  
歌四五聲

一曲琴聲

幽琴閒操畫堂東漸覺南來解愠風一室清涼心自得蟬聲斷  
續綠陰中

萬壑松風

鬱鬱喬松植小巒幾叢翠色映雕欄虬枝動處風微起萬斛濤  
聲入夜寒

酒市雲香

遙看前村曙色分  
當壚掩映露紅裙  
遠山眉黛真無匹  
綠醕香風欲繞雲

山水風光

風吹綠水湧深灣  
雲滅煙消現翠鬟  
極目高臺無限景  
一谿碧浪幾重山

曲水荷香

曲水盈盈泛小舟  
輕風低拂暗香浮  
紅衣惹處情難抑  
不羨穠姿羨並頭

山臺夜月

碧天如水月初斜  
皎潔應無片翳遮  
閒向山臺歌子夜  
不知短笛起誰家

過鎮江

一棹秋風裏江城俯練光山盤深樹綠沙湧濁流黃古驛停征  
騎孤村下夕陽妙高臺外望樓閣隱蒼茫

望焦山

孝然高隱處攬勝曉停艘山勢金陵抱潮聲鐵甕撞蛟涎腥古  
澗魚目睽空江瘞鶴銘難見摩挲徧石砭

懷姚秋農白小山兩前輩二首

同值瀛洲地天涯見玉驄黃扉姚相國紫禁白文公禮數尊前  
輩交情寓古風相依三月久分手惜恩恩

一別千餘里縈懷十二時關河青雀舫城郭綠楊絲雁信三秋  
約雞聲兩地思無窮知己感不獨爲傷離

贈揚州張硯泉太守



牛斗星邊擁節幢南湘清望重南邦卿雲人仰來三晉福曜天  
移到兩江識洞晶鐙銷雀角勲銘鐵履鎮魚缸遙聞士女謳歌  
樂鼓吹朝朝起畫艘

春風桃李滿門牆玉尺頻看鎖院量文望六朝周庾信經師一  
代漢毛萇龍岡人物添新志鹿洞規模擴舊章早識盛名高北  
斗衙齋清話興偏長

求聞過齋詩集卷二

海鹽 朱方增 虹舫

明月樓詠

東風十里揚州地城郭垂楊晚游騎參差亭榭繞繁紅宛轉湖  
山入空翠就中百尺趙家樓碧檻珠欄晃斗牛花羈客擁黃金  
勒香幕人懸翡翠鉤蟾蜍瀉影金波溢一片琉璃照璇室夜蟻  
歡浮玉女觴秋蛇笑綰王孫筆淋漓墨潯舊題名鳳時鸞蹲揭  
畫楹螢火已看消廢苑鴉雛又聽賦燕城調絲擗管風流歇綠  
草淒迷埋斷碣三千裙屐更無人惆悵年年二分月

重陽日陳惺齋明府招飲署中卽席賦謝四首

寒碣夜擣蜀岡邊客裏重陽又一年異地茱萸兄弟別小園梧  
柳友朋聯時與姚秋農白小山兩前輩嚴子敬上舍孫雲浦孝廉同寓休園浮雲海國鷗鳬迹

細雨江城蟋蟀天多謝陳蕃頻下榻開樽坐對菊花前

棠陰種徧綠楊城簫管湖山溢頌聲鶴髮望高文潞國鼠牙訟

息趙邠卿春筵裙屐光風度秋館壺觴舊雨情獨惜登高豪興

阻滿天不放晚來晴

官闕紅鐙進桂肴客情款洽喻投膠蓬山風度皆前輩謂洪桐

農小山薇省文章半故交謂江漪塘郎中千里尋盟來駱嶺十

年話舊憶螭坳轉憐司馬青衫別又拂征塵折柳稍時味辛司

州

越江秋水滯歸舫冒雨招邀醉醺醺明月樓前歡藉卉扶風席

上愧傳經頻年鴻印留淮海一夕猿聲叫洞庭難得題餽成雅

集重添佳話竹西亭

題孔秋浦柿葉肄書圖

倉頡造字未有紙龍書鳳書傳誰氏其時服卉衣草人用葉濡  
毫或昉此後來削成汗簡青零紅碎碧空堆庭孔君嗜書有奇  
癖秋蛇縮影春蚓縈園中烏桕十萬樹樹樹撐空拂雲霧西風  
夜起落葉飄掃兔飛魚當紈素置身恍到摩伽陀鵠王梵筵書  
貝多水流山峙勢不一錯落濃點迴纖波有時學作長史草吹  
林扇樹雲煙繞有時渴筆仿徐浩抉石奔泉怒猊拗淋漓墨瀋  
洒平蕪苔文辭字交模糊縱橫起落得天趣十指生氣回槁枯  
勞勞笑我走長安學書未遣蛟龍蟠何當擲筆梁侯園長鯨一  
吸墨海乾

題沈青藻寫葉惜殘紅圖

先生惜墨更惜花春林萬葉繁秋蛇玉樹交柯搖碧霧金壺洒  
汁凝紅霞十行蝌蚪分仙篆黃絹妍詞題宛轉窗下新揮蠆尾

圓枝頭舊聽鶯聲輭東風回憶養花天  
姹紫嫣紅畫檻前香幔  
幾重深院護金鈴一串綵絲懸  
霜華倏換晴紅媚紫玉成煙綠  
珠墜詞客三秋悵寂寥花神一夜添  
憔悴簾卷中庭晒舊柯蕭  
慘無復綠陰多烏絲寫遍相思字  
鳳管吹殘懊惱歌零紅飄泊  
愁雲疊香波一勺銅溝滑何緣流到玉皇前  
催得明年花早發

沈組雲丈留飲出秋林待月圖見示卽席題贈

主人華掌夜譙客桂肴椒醕陳絡繹歡悰振蕩不復知  
醉起狂歌自岸幘此時暮色正冥冥一輪未晃琉璃碧  
逡巡示我待月圖對景揮毫氣辟易先生前身本明月  
翩然飛下蕊珠闕粲霞風度神仙姿蕭洒泉林自怡懌  
有時擲筆作奇句手拔乾蛟一千尺平生意氣凌層霄  
愛客長馳鄧莊驛去年南歸始相見肝膽交傾略形迹  
恩恩一水忽解維重來不管雲山隔高談雄辨

兩情投肯教歡會辜今夕須臾坐久月輪生洗瑗重浮一大白

題施少峰紀哀詩

大雅聞幽薊高風重語谿天潢猶斗仰

秋亭貝勒索履海國尙國公均有贈詩

海國尙

巖栖白社聯裙屐青山躡磴梯詩才淩短李畫癖近迂倪小榼

紅芙館扁舟綠柳隄景堪怡水石情更篤檀梨舊事追溫席韶

齡溯佩觴鳳毛原卓犖鯉教久提撕瑣閣羅珍饌華堂護錦綈

循陔宵詠獺問寢曉聽雞王枕歡常扇莊椿毫末躋龍蛇逢厄

運驥子動悲嘶砌畔踰方浣階前紉已攜旌旗雙鶴下箕尾一

星低總帳生芻薦平岡宿草萋茶煙消玉鼎香篆賸金猊殘局

拋清簾遺編襲絳紉感時三暑度愴物幾篇題苦調鏗金石酸

音雜鼓鼙拊膺君罔極展卷我含悽往者搏鵬翮天涯走馬蹏

桃蹊晴破萼莎岸暖抽莢射策燕臺北辭親虎阜西

嘉慶辛酉余赴禮部

試先大夫 嵐光迎泰岱河勢瞰琉璣官舍看雲隔鄉園望樹  
借至吳門 迷離愁征雁近歸夢杜鵑唬好續耆英會長扶太乙藜葭灰六  
管動驛騎一函齎事忽驚風燭心如刺斧鉞關山遙設旆涕淚  
涇沾祝雲陣埋沙磧星行返輶輶哀逾鳴櫓馬痛類觸藩羝遂  
使我詩廢同憐薤露淒作歌懷自寫修史筆誰提摯誼丁蘭亞  
賢名石慶齊無窮傾慕意何日慰攀嵒

王文簡公生日同人祀於桃花庵卽用秋柳四首韻

方連網戶賦招魂一代詩壇重白門簪紱西曹霜鶴影管絃南  
國雪鴻痕蠻煙舊入滇陽峽濁酒新沽上若村攬揆又逢初度  
節遺山詩格更誰論

繞郭垂楊拂曉霜尙書栗主祀雷塘珠龕供奉三摩地瓊笈流  
傳七寶箱他日築祠鄰董子當年詠史感曹王獨標風雅歐蘇

後

文簡與歐陽文忠蘇文忠同祀桃花庵

不數城南高士坊

平山幾度換征衣  
修禊紅橋事已非  
池北談諧前日盛  
竹西鼓吹近時稀  
秋風裙屐閒鷗集  
夕照亭臺野鷺飛  
惆悵冶春人去後  
金樽檀板壯心違

舊游回首儘堪憐  
曾見齊州九點煙  
濟水墓田悲寂寞  
茅山神曲唱纏絲  
桃花開滿三千歲  
薤露歌殘二百年  
贏得先生名壽世  
菰蒲今薦蜀岡邊

武原新樂府十二章壽邑侯張柳溪先生

竹馬迎歌來暮也

竹馬迎迎雙旌雙旌搖搖來  
使君使君家住鮎瀆津  
春容大雅世罕倫  
藹若泰華生春雲  
珊瑚筆毫青麟丹  
鯨手掣驚鬼神  
雲垂海立造奇語  
秋鴻扶搖天半舉  
春風吹上黃金臺  
臨軒



帝策經綸才瓊瑤結綬之江來紫谿一曲甘棠栽甘棠栽處謳  
聲起旁邑聞風慕何已攀劉借寇無限情仙鳧飛近寄奴城寄  
奴城邊柳條綠縈煙拂露橫塘曲行爐曉盪煙波中郊迎士女  
歡顏紅壺漿紛攜夾官道連袂成雲園羽葆釀膏一沛枌榆春  
吾鄉德政謳歌新

酌廉泉清如水也

酌廉泉廉泉湛湛秦谿水此水能照卻金心臣門不礙紛如市  
芄芄黍苗曰爾漑也陰陰桃李曰爾漑也惟鄧山與郭穴曰爾  
漑其穢也虞城井平陵車清獻鶴萊蕪魚晝飛馴雉宵肅漁惟  
公之清其方諸廉泉在一手廉名在萬口願祝此泉變春酒百  
年三萬六千日飲公之和頌公壽

匠翹秀育人才也

千章鬱鄩林繁薈蔽雲日不入大匠門何與樽散別秦谿一百  
里大海環其側靈氣鍾山川衆材爭軋芴漢焦貢吳陸納唐顧  
況元揚發明時鄭曉偕張寧詞藻葩流推傑出我

朝羨門子蘭省先珥筆嗣登著作庭蔚起難殫述百餘年來  
化澤醲培養復邀使君力龍蔥佳氣藹藝林杞梓梗枿萬行列  
潤以時雨霏煦以春風拂蕤薋豐枝條蓊蔚茂華實玉尺手自  
持短長量一一孰爲大廈材孰爲淩霄質良楫及薰猶真鑒百  
不失楨與榦槐與棘異日欣欣感扶植

握冰衡揜羣雅也

朝廷掄雅才校士倚績學歐陽識大蘇高鑒獨超卓譬彼楚有  
和乃能知良璞惟侯大雅羣詞園名騰蹕秋風動桂林鎖院耀  
丹牕

鳳闕使星來文柄誰同握浙中仙宰七十人風雅獨數侯淵博  
高詞轢馬班奇藻較盧駱聲華重上游多士資矩矱丹黃甲乙  
千百卷但取精華棄糟粕如器別瑤礫如味分酥酪煙雲濃澹  
不一姿盡教一一歸鑪橐當時列宿隱卽官乍見忽如眼刮膜  
謂卞雅揀金恆河沙聯翩起鵬鶚餘子皆俊才文彩紛卓犖自  
堂比部非扶輪手何能徧冥索君不見繡衣葉邁登黃閣巨眼曾聞出  
王鐸又不見殿前裴皞吟詩樂三主文闡頌聲作

與兕觥禮高年也

溶溶泮波綠漲萼萼庭卉紅生青陽鳳律方轉紫霞鸞舄重傾  
官閣春招杖履爨廈晨集簪纓親親鮐背桂父影影鶴髮錢鏗  
紫芝商山綺季赤松石室初平紆組階前揖讓扶筇門外拜迎  
桂醕蘭漿列座蠅臠魚醢充羹瑤筐紛陳南肆玉洗臚設東榮

樂奏鳬鐘球磬曲按鵝管鳳笙由儀崇邱間作采繁華黍載賡  
尙齒禮存三古引年儀仿五更歲值

天子仁壽時逢海寓澄清耄叟

彤廷錫帛耆儒蕊榜書名

五旬廣宣恩綽四域同播歡聲絳縣人多書亥蒼昊星耀長庚  
八載仁流珂里一時讌啟瑤京東海晷延若木西都會繼耆英  
發倉廩有餘粟也

驟萍翳鞠靈隆駿烏晦蒼狗霽霈祁祁滄濛竈沈鼃吟漂種  
甲始邁戊再逢褻妖螟鞭癡龍昏霾掃馨香通誠假帝饑號農  
室罄懸牖杼空塵生甑簋無豐疏災祲達

皇聰緩丁賦減租庸蘇轍鮒拯澤鴻啟廩困出耗稷比如櫛崇  
如墉千夫碓萬夫礪吏鵠立眈屬從擔囊橐攜篋終駁版戶量

區鍾雁杭赤鸚粒紅漑釜鬻給殮饗歌壤叟嬉輶童昨斷炊今  
宿春潞河北淮河東襄陵若翳桑同民食絀吏橐充簋不飭餽

覆公

謂直隸寶坻江蘇山陽事

彼怨咨此喁喁

皇之澤侯之功

鼓腹謠民飽德也

一翁攬一雛一婦翼一姑一媪挈一姝一寡提一孤一販雜一  
屠一匠參一巫一農間一儒一漁兼一沽長者鬚其鬚矮者鑿  
其跌强者當門樞弱者隱庭隅維跛蹢跚趨維眇彳亍扶維尪  
僂偃驅維病呻吟呼孰則摻甌甌孰則攜甌壺孰則懷酒觚孰  
則持梁盂手掬而心瞿口哺而聲俞困頓藩觸踰踴躍水趨鳧  
自野逮城郭自朝至日晡三三兩兩殊十五五俱我口使君  
餽我命使君蘇不畏徒行徒聊潤枯腸枯九年堯水吁七年湯

旱劬天災何代無政貴循良敷勉爲屬丁夫努力治萊汙莫歎  
婦無襦莫怨餐炊珠二米合一稊三階瞻六符飯爲飽雕胡河  
可噉醍醐三日閭閻雨擊壤賡康衢

禾同穎綏豐年也

風和越壤土沃海暎衍膏雉隴滋澤鱗阡丹杭玉璨紫秬珠圓  
天錫嘉種人迓康年章擢秀瑤莖霏香瓊穗連穎抽紅駢枝疊  
翠嶠粟珍珠黍稌讓瑞寶世矜希臘前紀燬章獲以金鋤藏之  
璇篋獻社宓琴姬祥姬牒四圃豐徵千庾惠浹飫德庶黎流馨  
累葉章三山傳秦駐疆朔漠分麥歧曾詠禾祥是聞蜺旌揚采鸚  
粒垂芳迓邀昊貺上答

聖君

章四

適樂土憫鴻嗷也

江南去年夏狂瀾倏奔瀉黃河之水從天來濁流倒灌長隄開  
人家半沒蛟龍宅餘生輾轉溝壑哀鄉閭蕩析炊煙無汪汪千  
里漂平蕪昔時鱗瓦連雲起貧者衡茅富者庀鴛鴦比翼雛燕  
飛簫管春風豔羅綺歌舞年年不自知一朝滅沒滄波裏扶老  
挈幼倉皇走上雨傍風宿郊藪江南撫字幾多人何人勞來安  
其身側聞越中有仙宰迢遙城郭臨滄海仁風潛扇化雨流浙  
中赤子都蒙庥浮江鴻雁紛紜至使君一見中心愀錢千緡粟  
一釜活我千百人不知此離苦長流汨汨數聲鶻還我故鄉給  
資斧後杜母前召父使君之德同千古

擊鼙鼓與百堵也

先民有言築城思堅矧茲鹽官赤緊海暎一維唐開元暨明洪  
武旣化旣言徹我土宇二維墮而堞狐竄而堞匪哲婦之傾無

平不頗

解三

英英我侯于宣于蕃規彼封鮮愧彼懸貍曰四封之

慎則有司存

解四

靖海望吳來薰鎮朔經之營之東西南北

解五

鼓召矣民胥詔矣予曰有板榦予曰有畚築予曰有餼糧予曰

有財蓄

解六

侯曰殫止民曰安止侯曰休止民曰留止登登憑憑

俾無頗無側無騫無崩

解七

我墉伊完我櫓伊建說以使民民忘

其怨

解八

秦山蒼蒼江水瀾瀾磬石同安怒濤不圯

解九

雲煙萬竈

鬱鬱蔥蔥於萬斯年我侯之功

解十

鞏磐石慶安瀾也

九塗十八灘三十六沙洲鹽城當下衝東南截洪流洪流嚙城

作鼙吼勢如欲挾孤城走馬銜當路海童嬉謔天吳森九首

帝憐赤子生魚鱗開山力士勞五丁曰磬曰礲曰砧岵鞭施秦

政驅風霆石骨牙牙瘦石塘牢結構蜿蜒直走三千尺怒激水



衝與水鬪石凹凸潮平旬則缺吐火雷鼓鳴驚沙噴薄作雨灑  
紫闌欲撼黃盤傾年深豈免無崩圯盤陀雖固非金城桓桓張  
使君中流一柱砥射潮不用雙留弩完者益修圯者理鹽城如  
彈丸鹽塘圍盤盤修如常山之蛇蟠瘦如潯陽之蛟乾其眼眦  
而俯瞰也如履巖之踟躕跚其傲狠而反拗也如怒猊之挾噴  
旣蜩蝻蠖濩象各肖陽侯欲齧心先寒聯以長檣秦駐湯蒲諸  
山足輔以沙黃草白莽莽之危灘靈胥不怒種也喜澄波若鏡  
狂瀾安此邦成樂土此塘永萬古竟將苦海變甘州野有馴雉  
無苛虎桑麻彌野雞犬安勞民民不憂鼙鼓鼙鼓歇塘工興謳  
歌作第祿仍鼇維永奠無驚崩東升海月當空麗照見公心清  
似冰

壽而康介繁祉也

我侯惠澤滂流徧海疆越三千年懋績繼漁陽豈獨登春兆庶  
歌樂康仁心愷澤直已感穹蒼天錫遐祉單厚不可量瓊房翟  
茀雙聚眉案旁丹雘聲清鶯起兩鳳凰瓜瓞縣衍疊茁蘭芽香  
龍蔥玉樹繞膝嬉璇堂累葉纓紋貽燕何蕃昌餐甘蔗境娛樂  
方未央八千歲月稠疊積節章琬弧懸庭仙琯按八琅扶鳩父  
老歡進延齡觴堂前絡繹鞠脰斟霞漿願侯節鉞不日拜  
天闔身坐鈴閣手綰雙銀黃慰我東西兩浙萬民望福星歲歲  
照耀牛女鄉延洪曼羨瀛海仙籌長如日如月如川如阜岡億  
年德政彪炳書旂常衢謠巷歌未足揚循良

舟行雜詠十二首

西風吹送木蘭船小泊蒹塘綠水邊蠟屐曉趨三十里無人知  
是地行仙

鑿冰勢與鑿山同，徹夜丁丁響。晚風穿出鴛鴦河，一曲御花園外玉樓通。

碎瓊片片湧中流，人在瑤池盪槳游。櫂過吳江楓葉外，幾家鏗火百花洲。

短簿祠邊人定後，闌闔門外月斜時。鐘聲吹落寒山寺，盡出楓橋夜泊詩。

閒傾蠻榼酒三升，舊雨相逢興益增。載得釣鼈公子去，夜深搖月過毘陵。

時與任雙潭途遇招至舟中晤談竟夜

耶許喧傳兩岸聲，飛芻挽粟萬艘行。連檣竟似橫江鎖，隔斷南朝鐵甕城。

繞郭紆迴石徑斜，肩輿安穩勝乘槎。路人笑指城南路，丁卯橋頭許渾家。

金焦山勢鬱千盤飽曳征帆當畫看十萬魚龍江底伏隨風不敢作波瀾

煙柳長安路幾千郵程催度早梅天煎茶虛負盧仝癖未識中冷第一泉

佛狸戈甲指長流千載空城王氣收聞說近來潮汛小水程無復度瓜洲

玉鉤斜畔舊句留水碧楓丹又一秋二十四橋無賴月照人歡笑照人愁

臨流百尺起高臺虎踞巖關曉不開丹子無言津吏笑笑攜書畫一船來

燕臺詠古四十首

夢中星斗佛旛飛四十登壇賜錦衣誰假盧龍新節度應天元

寶晉陽歸

園開廣樂控雕弓射罷長楊落絮風要種蓮花三萬朵中都特  
起翠霄宮

智化琳宮迹未湮大璫遺像委黃塵九原應羨秦丞相鑄鐵湖  
山六百春

京兆荒邱賸斷碑斜陽悲弔獨生悲男兒功業須鐘鼎何事傳  
名到畫眉

光天寶殿湧金輪法演獅王化劫塵寂寞鼎湖風雨夜可曾同  
憶懺延春

曹節重生國事紛太和一策感劉蕡直言不獨憎庸主賈誼何  
曾悟漢文

野航萬隴綠雲鋪千載承平戰壘無父老尙談東觀事鄧隆車

騎次雍奴

白傘黃幢障碧空  
大安佛國聳玲瓏  
泥金虛篆降邪字  
十六天魔舞後宮

蓬萊宮闕訪彭佺  
徐福空航碧海船  
何意薊門巡蹕駐  
翻留雍鳳作神仙

萬歲山高疊翠螺  
枝峰蔓壑擁嵯峨  
豐碑新築虬龍冢  
可憶延綏戰骨多

黑窰廠北野花殷  
白紙坊南春草閒  
憶得重簾于盼盼  
一鉤新月畫眉山

大興隆寺奉功臣  
不改袈裟舊日身  
祇恐諸天逢老佛  
如何同轉法王輪

夢雲夢雨誤韶華  
冷落東風薄命花  
千古傷心惟兩地  
宮人斜

與玉鉤斜

十丈靈峰輦玉都芳華仙閣築蓬壺內人未解君王意猶指宣

和良嶽圖

祿山鼙鼓動漁陽冷落華清舊賜湯力士戍邊良娣寵祇留鸚

鵒憶君王

江夏吳生墨浪翻生綃數幅試臨軒慈恩別起題名塔特賜中

朝畫狀元

玉泉山水玉河通海子橋橫海子東爲問金城坊畔語夜深誰

唱塔兒紅

朵殿初成御玉龍上公特錫紫泥封東林黨錮同元祐猶道紅

牌法祖宗

教坊火鳳撥鴟絃劉葉花鬟擁舞筵東院文蘭西院柳冰華小

錄署名箋

紅牙小拍按霓裳太液龍舟櫂綠楊不記陳宮瓊樹曲曼聲爭  
唱賀新涼

擁籌招賢霸業開平齊原仗樂主才要離已敗鱗諸死幾見功  
成俠士來

宛轉歌喉一串珠玉堂夜醺捧金壺瀛洲亭上鴛鴦牒特判當  
朝三寶奴

紫鳳瑤釵簇翠鬟春風同輦寵恩頒高无殿裏私盟夜不及長  
生誓玉環

飛狐城外趙王來三字刀環石祚開驚電已聞襄國市瑞符猶  
記鳳凰臺

五雲仙詔渥恩覃玉螭橋邊萬象涵滿地夕陽鸚鵡粒幾經辛



苦種江南

居庸翠色接房山萬里龍堆戰馬閒壯士不須悲出塞玉門今是近邊關

游客爭停柳外驂閒尋花草鴨闌南白頭賸有晚鳥在曾見當年海月庵

蕭慘古木蠶山秋紅葉晴飛卷幔樓欵乃一聲齊女淀隔隄搖出采蓮舟

裨將新降郭藥師近春門外羽書馳永昌宮使來朝日已是金人索米時

握日臺然綠桂膏聒城金闕擁星旄瑤池三降西王母翻笑毘侖八駿勞

擊筑高歌易水濱荆卿浩氣薄星辰如何未斷秦王首先遺華

陽斬美人

千層鈴閣聳浮屠，水榭山亭入畫圖。  
借問徽欽琨輦過，可知翼北有西湖。

宣武祠荒罷踏青，摩訶院廢靜談經。  
還餘一曲長鳴杵，冷照天邊蠍尾星。

關臨松古耀戈鋌，蕭后謀家築受降。  
未免被他鸚鵡傲，獨開帝籙竟無雙。

演妙堂開禮玉真，袞龍御服換綸巾。  
君王自啟長生醮，殿上方傳仗諫臣。

墓表哀忠寺憫忠，高麗一戰紀平戎。  
可憐埋盡龍堆骨，依舊河山屬寓公。

了髻雙峰潑黛新，瑤宮爭祀碧霞神。  
繡衣獬豸親陳疏，爲請崇

福建廠臣

平臺拂袖寇氛纏殘局空支十七年地下承恩應有語誤人不獨是中涓

銅駝夜泣康宮匣石馬秋嘶漢苑鐙獨有昌平原廟在寶城安穩十三陵

雄霸城邊暮角哀大悲閣上酒樽開當筵佯醉窩羅虎笑跨燕山白馬回

庚午四月三十日奉 命典試雲南恭紀

芸閣簪毫夜未歸

時充史館提調兼會典館總纂哀輯事繁屢宿館中是日宿會典館

忽聞

恩命正朝暉西臺喜結岑苔侶

同典試者陳心畬同年中孚時官兵科給事中

南詔欣

看驛騎飛桃種狄門奢後望菊開蔣徑話先幾

戊辰九月祭酒蔣丹林先生祥

輝夢方增典試雲南

十年前亦風檐客甘苦時時憶鎖闥

宿良鄉節驛

一百十官驛郵程第一籤畏途愁閱歷鄉夢雜酸甜近岫雲初吐窺窗月乍纖永安堂外樹新綠幾枝添

過定興二首

村舍斷復連半住綠陰裏陂塘相迴環開門恰臨水時聞鵝鴨聲呼侶立沙觜高柳垂毵毵風來顫不止一翁方投綸得魚亦色喜持竿笑輪蹄馳逐若未已旁有信天翁饑晴不他視

高躅渺何處冥懷鹿太公慘遇黨錮傳詎希游俠風囊餽餽孟博納亡同孫嵩黃門綱雖密卒難羅冥鴻有子亦傑士草檄如奔洪時危著奇節志卓成孤忠我欲訪遺蹟惜哉行恩恩

渡白溝河

巨馬河勢曲以紆遼宋舊界今模糊介甫曾賦白溝水沈郎亦

題漁陽圖幽燕故地謂可復塞垣萬里容糧鋤後來京貫祖此  
意盟金蹙遼誇良謨牟駝岡下陣雲慘坐使宗社嗟淪鋪始知  
德力貴量度橫挑邊隙何爲平方今

聖朝大一統六合以內皆

皇輿

神京控制數萬里此水僅足環奧區往來行人快利涉深纔沒  
肝淺沒跌波忽喧闐正渡馬邑太清泚難容魚石梁一道鎖蟠  
蝨沙礪幾處眠鷗鳬肩輿過此領清聽麥黃風急鳴菰蒲

金臺驛

燕王築宮不築臺厚幣亦足羅羣才金臺之名始騷客以史掊  
詩徒喧脰駿骨買罷戀鷗隨排雲又望神仙來靈氣倏盡昌國  
去吞齊事業安在哉落日黯黯下古道宮平臺乎皆蒿萊

堯母墳

萬古一抔土傳聞二典前  
電虹流遠渚日月啟中天  
地本慶都國名存帝繫  
篇堯山知不遠迴望正蒼然

定州

定州城外幾徘徊  
嶽煙巒望裏開  
趙北酒傾劉白墮  
江南詞憶賀黃梅  
故鄉正清風明月無錢買  
官驛荒橋有客來  
懊惱征軺纔數日已看衫袖滿塵埃

滹沱河

發源自繁峙  
匯作弁州川  
恆山互西北  
青上丹邱巔  
長夏值盛漲  
衆流相洄沿  
岸圻忽無地  
野曠欲到天  
灝氣吞溟渤  
疑與碣石連  
策騎想徑渡  
梁絕不得前  
津吏頗解事  
已早具數船  
黃雲四野匝  
赤日當空懸  
駭浪擊船背  
聲厲愁其穿  
危哉此渡口  
道

元言信然到岸麥飯熟茅舍飛炊煙

藁城

沙漲迷人目鄉愁黯黯生輿圖肥子國戰壘趙王城夕照孤亭  
迴荒原百里平恩恩來古驛明月滿前楹

趙州

莽莽塵沙中忽雜幾點雨行過洹河橋楊柳對我舞折之欲寄  
誰南風正如虎霸業俄成空禪宗亦太苦累累者何墳不知酒  
澆土

自沙河至龍岡驛

策馬渡沙河水淺不盈尺騰激成濤聲縱橫亂車迹過河多土  
山黝然無寸碧平岡蜿蜒來上植荆與棘閉輿身覺暄敞簾塵  
已積王程不敢緩眇目望古驛遠林懸銅鉦長日不肯少

臨洛關

崔巍關勢迴形勝控臨洛落日征旗閃孤城畫角鳴地分河北  
險事記晉陽盟細雨輕塵後前途快晚晴

邯鄲雜懷四首

天工位置何莽蒼邯鄲才人嫁厮養鴉罔彩鳳殊尋常天壤何  
處無王郎桃李花矜顏色好落溷不如原上草世間之事多不  
平匣中古劍鏗然鳴

邯鄲城南游俠子寶鞍隨身劍礪齒有時走馬復鬪雞豪氣能  
壓北斗低忽然對鏡鬢有雪形容漸槁血空熱回頭往事如春  
潮白楊滿野風蕭蕭

不如挾琴邯鄲倡遷史著論何類唐多錢善賈長袖舞離離者  
流本爲伍昨日美人今白頭敗簾猶控當時鉤殘鐙挂壁耿不



滅請君一賦古訣絕

我欲邯鄲覓佳夢忽聞兩鼠鬪虛空眞亦可夢夢可眞鄭人蕉  
鹿徒紛紛王侯將相偶然耳失何必愁得何喜白雲無盡歸去  
來世上安有神仙哉

叢臺

太息叢臺下長林落日殷業思全趙盛地跨兩河間炫服空成  
市濃陰半礙山徒然誇鼎士能否敞函關

邯鄲曉發

遙指安陽驛中宵又戒途近城聞手柝攜夢入肩輿涼月山頭  
迴明星曙後孤何時倩神妙畫出曉行圖

鄴臺小樂府

銅雀臺

戢戢銅雀臺  
瀾瀾清漳水  
遺令分餘香  
奸雄奄然死  
何處指西陵  
疑冢七十二

愁思岡

天與才八斗  
矯矯東阿王  
相煎何太急  
余思正未忘  
秣馬憩洛水  
天風吹明璫

漁陽鼓

大兒孔文舉  
小兒楊德祖  
慷慨漁陽撾  
四座爲色沮  
妻妾鸚鵡洲  
可惜非死所

邠祭酒

返鄴不我迎  
祇有邠祭酒  
及至車騎歸  
曳裾來不後  
爲問管幼安  
稱此龍腹否

太武殿

求聞過齋詩集

卷二

七

古殿宏文高太武自旁起文石探穀城銅人自洛徙秋露涼娟娟金仙淚不止

青雀子

鷓鴣翻已成可憐青雀子下詔何倉皇飛來鄴城裏蟻陣鬪黑黃無奈黃者死

韓忠獻故里

唱第爭傳五色雲果眞定策紀元勳能調宮府危疑地難控甘涼潑喜軍勸學早輕王介甫齊名祇許范希文竭來畫錦堂何處喬木無言對夕曛

淇水

淇水兮悠悠檜楫兮松舟古人不可見淇水常東流縛橋通津渡行李俯視淇水清且泚澄波如鏡空人心淇則有岸魚有涔

翟籊竹竿不在手篇蓄王芻亦何有如簣如籊爭釋詩無徵不信長相思

道中望蘇門百泉諸山

數峰排空來一峰被雲匿瞥然露全峰索之倏不得金碧少定  
姿朝暮各異色澗泉當競流嶺樹亦交織興行山亦行蜿蜒不  
暫息暖翠染我衣浮嵐落我側日行晴煙中令我幾憑軾惜無  
長嘯人與之講服食緬懷古通儒姚許闢榛棘地迴銷塵心境  
定識道力何處叩雪齋清風滿寰極後來孫徵君奇氣豈可勒  
宗旨悟象山於此寄靜默山靈日以親高躅渺難卽迴瞻太行  
山雲外聳巒芳

比干墓

松柏何鬱鬱中有王子墳傷哉剖心事涕泗不忍聞或云是才

子或稱爲賢人論定經至聖卓然稱其仁乍謁三仁祠黯澹愁  
風雲下馬此憑弔草木慘不春古今茹深痛豈徒魏孝文

渡河作

滾滾金湯據上流奔濤日夜幾曾休無邊駭浪從天下不定歸  
墟爲地愁官柳至今喧客渡苞桑誰竟奠神州拏音且喜西風  
峭一霎輕帆到岸收

宿鄭州

風捲層雲壓樹頭夕陽城郭望中收停車忽聽檐鈴急亂雨跳  
珠宿鄭州

裴晉公墓

綠野堂何處榛蕪一望迷孤墳殘照迴數尺斷雲低碑頌昌黎  
擅勳名郭令齊重輕繫天下豈獨定淮西

呂文靖墓

聞道申公再相時  
褫麟逐鳳詫神奇  
淒涼郭后修真地  
倉卒希文去國時  
垌外川原依舊繞  
史中恩怨有誰知  
范墳亦有穹碑立  
曾費歐公幾日思

昆陽故城

赫然稱大敵  
百萬銳師來  
雷雨昆陽陣  
星辰上將才  
氣先折威  
斗功已啟雲  
臺二百年  
宗祏基於此  
戰開

新野弔庾開府

空將詞賦動鄉關  
羈旅年華鬢易斑  
絡繹碑銘三輔地  
蒼涼雲物六朝山  
月臨新野仍相照  
水去江陵竟不還  
此樹婆娑生意盡  
柳條攀處淚潺湲

呂堰驛

途長馬足倦躑躅來樊城晚炊集煙舍估客喧市聲襄陽隔一  
水欲渡愁盈盈燕檣櫓比列雉堞參差明妖賊背蟻聚茲地亦  
被兵巡檢小官耳乃以殺賊名嘉慶丙辰襄陽黃龍岡教匪滋  
事焚掠呂堰巡檢王君翼孫死  
之殺賊爲賊殺身歿名則榮碧血覓不得燐火青燐燐

襄陽雜詠四首

形勢控上流舟車達水陸皖涇沔以南郭枕山之麓雉堞明麗  
譙犬牙錯鄧穀言登呼鷹臺野鷹掠何速景升本人豪坐此作  
州牧骨肉悲未寒豚犬呼已辱空存仲宣樓邈然動遐矚  
朝發襄陽城暮至大隄宿大隄修且長野花何繁縟亦有芷與  
蘅采之不盈匊行樂當及時卽景聊騁目雅化自二南豈猶有  
靡俗解佩良非眞援軫詎足錄驛路忽聞歌悵悵銅鞮曲  
古人不可見高躅何由追及讀者舊傳古人良在茲抱雲幾巖

岫中結茅與茨間以漢魏事掉首云不知野鶴豈攫網文雞憚  
爲犧漁梁水浩淼鹿門山參差濁醪手自酌陶然無餘思  
羊公昔鎮此裘帶何雍雍盛澤被漢沔至今欽其風何爲飲岷  
首臨觴無歡容人事倏變幻山川無終窮修名懼不立以此悲  
填胸昔賢豈寂寂我儕真庸庸鷓鴣各自得飛躍枋榆中

荊州二首

建業西來占上游雄城屹立鎖咽喉戰場屢見烽煙合江水常  
聞日夜流三楚雲山皆入望幾人騷賦不傷秋渚宮故事憑誰  
問古驛哀蟬咽暮愁

馬化爲龍局已闌此間真當弈棋看六朝使節兼湘郢幾輩人  
才屬庾桓夢雨臺隨春草遠臨風亭付劫灰殘卽看一夕圖書  
盡愁靚連江蘆荻寒



江陵道中弔張太岳

江蘇蘇兮山濛濛川嶽秀毓張文忠定陵冲年踐天位中台一  
星光熊熊謫觚已逐首輔拱奧援或恃貂璫馮欲以富强挽貧  
弱頗能法度循祖宗士安握算充國用單于款塞銷邊鋒方吳  
譚戚盡聽命馳逐上下如雲龍有明中葉日凌替得此亦足維  
頽風奈何奪情迂衆議後來威福由徧衷致君堯舜要有術何  
至迫厲無從容灑然毛髮震天子況有左右含沙工不學無術  
霍子孟銜恩茹怨李衛公一朝身隕集羣詎吹癡索垢紛相攻  
先生元輔甫稱罷簿錄竟等鈴山翁嗣子猝令死牖下老母幾  
致填溝中自歎名教果有罪能安社稷非無功君臣之眷貴終  
始殊眷何竟悲凶終沙隄一道久蕪沒夕陽紅上遼王宮

公安偶憶

東南王李擅風騷荷葉山人意自豪想過屠門厭大嚼獨憑漢  
水網銀刀

自船谿至辰谿縣

侵曉發自船谿驛四十里中簇萬碧巖石林立不一格種種足  
饜老米癖或如團團雲吐帛或如娟娟月露魄或如鴻鵠振六  
翮或如熊羆氣辟易或如奇鬼恣跳躑或如仙靈列遠蹠或建  
高臺忽露脊或舉盾蔽紛相擻奇瘦或如野鶴瘠靚態或如齒  
蒼圻忽然面皺如老釋忽然脂凝如姑射忽然峭壁立千尺忽  
然低岫蜿一脈豈真鬼斧工搜剔闢此巽狀悅行客否則姽婁  
補天石遺之南服未盡撫谿光隱現一林隔倒浸山影更明燿  
茅屋大半結石隙環以松竹自蒙幕向午縷縷炊煙白雞曉上  
樹飛拍拍倚樓者誰吹短笛此中恐是謫仙宅可惜王程正促

追只俱曠覽未游歷又惜荆關無處覓未得摹此入畫冊

晃州驛

晃州驛外駐征軺回首京華路正遙明日夜郎西去路亂雲堆裏馬蕭蕭

由玉屏入雞鳴關

繞城而西遵澗谿暑雨纔過風淒淒獅子象鼻山相排擠中貫以河曰野雞竹橋蜿蜒軒虹霓過橋歷歷經幽蹊楊坪漫坡行折折疏林隔使谿光迷谿外一望皆平畦時有嵐翠宜遠睥渡清谿兮聞流澌瞻壽佛兮來招提忽從巖關折以西盤旋而下入空輒羊腸一綫高復低石紉路古無一齊輪鐵碾石幾粉齋補以薄板同赫蹏右有峭壁天布梯左爲長谿傾玻璃奔雷濺雪驚鷺鷥輿夫十步九顛躋路轉往往淖於泥日之夕矣雞欲

栖鵬鵠乃在深箐號

栗子冲曉發

地無三里平天無三日晴昨者大雷雨山腹方滿盈素衣出門  
去荒村纔四更前馬導以火後騎鏗厥鈴踣鐵蹴亂石石火飛  
星星上坂復下坂曲折無近程再接亦再厲一縱旋一橫緣若  
附羶蟻轉似出谷鶩奔流界道左噴沫無停聲泥滑不受足時  
時愁其傾遙望雨燈閃與夫云虎晴天光幸微白前村晨雞鳴  
相見坡

四夫前導牽以縷舁者四耦偕之登二十四足相凌兢如螺旋  
然如猱升又如脫鞴揚秋鷹忽然置身碧雲裏凹凹一峰對面  
起中阻深谿不見底當其盤折山之趾兩坡相距幾平聲百里至  
此祇隔尺有咫可惜盈盈阻一水彼峰行人以手招此間與者

聲嘈嘈相望不愁延頸勞  
罡風簸蕩車搖搖青天甚近風逾驕  
吹墮彼山良足豪自是造物巧布置  
忽遠忽近眩人意故鄉回首青山多  
相見相見奈爾何

昨宿鎮遠館舍風景殊佳惜未留題作一律補之

頓教一宿戀空桑旅夢猶牽灘水陽  
遠縠碧生谿口渡斜暉紅上寺門牆  
憑誰罨畫攜行篋無此湖山惜故鄉  
祇悵煙雲容易過雪鴻蹤迹太匆忙

游飛雲巖

欲陟飛雲巖先經養雲閣循閣躋其巔  
有屋忽穹若四石皆倒垂欲落復不落  
蟠如螺與螭挂如狄與攬雲氣繚繞之  
絲絲結纓絡別徑旋以登巖勢頗峻削  
一峰一亭懸淩虛無佳著折而東北行  
石梯宛約略數口何呀然張吻欲吞嚼  
以蓬叩其中大

聲起鐘鐃竹樹交縈迴松杉更蕭鬱離立羣峰前疏密冒翠幕  
非煙亦非雲濃陰正漠漠

渡重安江

微波平到釣魚石除渡重安一道江江外羣峰青不了碧煙如  
羃撲與窗

由新橋至陽寶山

虧蔽爭陰陽兩岸屹相向有澗穿其間有橋跨其上瀑布三折  
來激石逾流宕傾瀉輪銀河奔虬散雪浪流入魚梁江澹若碧  
煙漾循途漸梯登茲游實奇剏四五里一盤愈盤意愈壯山半  
招羣峰詭怪各異狀堂密森周廬舒卷列步障高者欲並雄卑  
者不敢抗遠固環以朝近亦揖而讓孤輿山四鄰勦我左右望  
恍置几席間清玩一一餉復有界道流瀉自最高嶂聒彼廣長

舌破此祕密藏耳目相與謀心神益以曠何處尋禪關雲外裊  
梵唱

白水河觀瀑布

白水河蘊黔山中數折而來勢屢變以石束水水愈驕滿天飛  
雪撲幽澗兩三里許屈曲行緣壁斗落疾於箭濃者鋪雪薄者  
懸裊者飛絮捲者練朝簾暮簾無所鉤大珠小珠落如串冷然  
冰柱懸條條弄若颿輪挖片片橫飛側舞如盤鏐奔影騰光儼  
閃電餘波靡作踈地絲漬沫漫集洌節霰濛濛化作煙與雲蕩  
入水面倏不見獠狔數家藏山凹幾椽茅屋時隱現參差修樾  
叢篁中縷縷煙生正午爨終朝飽食一事無但對銀河落天半  
揭曉後呈心奮同年並柬同考諸君二首

其拜

恩綸出

帝都相親相近復相嚮  
霓裳舊詠懷同日驄馬  
新歌聽九衢差喜崑山  
留片玉元卷爲心尙愁汧海有遺珠  
好將楚水黔山路爲聿  
聯吟並轡圖

一笑青雲竟得梯那知  
勘校費然黎曾經蠟炬  
三條盡敢對鴻篇五色  
迷瓊寶可能歸鐵網羣  
公難得刮金鋸驪駒唱  
罷恩恩別莫怪征鴻戀  
雪泥

歸程雜詠二十首

重陽節後雨酸淒山路  
何堪滑滑泥歸客正愁  
行不得鷓鴣哨上鷓鴣  
嘯

行過棠梨路幾灣青谿  
洞底掩禪關袖中斲得  
玲瓏石歸置書牀茗盞  
間



蛾郎塢外有沿谿短竹回欄一簇齊  
飲淥吸光無箇事應將風景付詩題

白水河頭望水亭終朝瀑布不曾停  
問渠何事忙如許流徧長汀復短汀

雲擁牟尼珠黯不開洞前容我小徘徊  
薄寒天氣風初峭領略清涼世界來

老樹婆娑倚館門馱鈴聲歇銍煙昏  
竭來細雨黃絲驛卻憶明波白紵村

漁梁江隔幾疏林新得佳名號響琴  
到此盡刪絲與竹天然流水是知音

飛雲巖閣喜重登比較前游更上層  
尙有文成碑碣在戈鋒波磔儘崢嶸

跼跼飛鳶霧未收  
行人悵望大壺頭  
明珠薏苡悲何限  
苦憶平生馬少游

吟魂落拓更誰招  
風雅而還此獨豪  
太息女蘿山鬼夜  
荒寒古驛讀離騷

漢廷才調本無雙  
誰使愁懷託楚茫  
歸卧故山悲漢落  
後來更有賈長江

征裘寒意漸淩兢  
正是湖流乍試冰  
三五點星一鉤月  
行人今夜宿江陵

冬深雲物迴高臺  
聽唱銅鞮曲正哀  
一片黑雲捲天外  
襄陽城上野鷹來

卧龍岡外路參差  
葉墮空林有臘枝  
怱促一鞭殘照裏  
何人來拜武鄉祠

幾縷尖風刺骨寒  
清流何處問潺湲  
兼蘭贈芍風人旨  
莫作庸家本事看

土銍煙微閉驛門  
辟寒金藉火鑪溫  
夢回又是邯鄲道  
冷月狂風黯旅魂

莽莽長天日已收  
彤雲徧壓樹西頭  
依依楊柳知何在  
風雪聲中過趙州

側側寒威逼畫輶  
道旁時有麴車招  
掉頭不問中山酒  
戶小愁難勝一蕉

瑞靄祥煙近

鳳城回頭數徧短  
長亭卻逢快雪時  
晴後已見來牟滿  
隴青迢遞雲山一  
擔收卸裝抵得陸  
金不長吟短什成  
何用浩蕩空爲萬  
里游